

Տպագրված է 5 օրինակ
Օրինակ 4

Հաստատված է
Հայաստանի Հանրապետության
մշակույթի, երիտասարդության
և սպորտի նախարարի

2003թ. 21.03. ի N 115 հրամանով

Նախարար  Ռ. Շառոյան

21.03. 2003թ.



Գրանցված է

Հայաստանի Հանրապետության
իրավաբանական անձանց պետական ռեգիստրի Սպանդարյանի

տարածքային բաժնում
Գրանցման թիվ 286.210.04907

10.03. 2003թ.

Վկայական 034.059722

Պետական ռեգիստրի Սպանդարյանի
տարածքային բաժնի պետ  Ս. Սպանդարյան



Կ Ա Ն Ո Ն Ա Դ Ր ՈՒ Թ Յ ՈՒ Ն

«ՀԱՅԱՍՏԱՆԻ ԷՍՏՐԱԴԱՅԻՆ
ԶԱԶ - ՆՎԱԳԱՆՈՒՄԲ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

1. Ընդհանուր դրույթներ

1. «Հայաստանի էստրադային ջազ - նվագախումբ» պետական ոչ առևտրային կազմակերպությունը (այսուհետև՝ կազմակերպություն) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է, որն ստեղծվել է երաժշտական-կատարողական արվեստի բնագավառում գործունեություն իրականացնելու նպատակով:

Կազմակերպությունը հանդիսանում է «Հայաստանի էստրադային ջազ - նվագախումբ» պետական հիմնարկի իրավահաջորդը:

Կազմակերպությունը ստեղծված է համարվում նրա՝ օրենքով սահմանված կարգով պետական գրանցման պահից:

2. Կազմակերպության գործունեությունը կարգավորվում է Հայաստանի Հանրապետության քաղաքացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով, Հայաստանի Հանրապետության այլ իրավական ակտերով, Հայաստանի Հանրապետության կողմից վավերացված միջազգային պայմանագրերով և սույն կանոնադրությամբ:

3. Կազմակերպությունը՝ որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

4. Կազմակերպությունը այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

5. Կազմակերպությունն ունի Հայաստանի Հանրապետության զինանշանի պատկերով և իր անվամբ կլոր կնիք ու դրոշմակնիք, ձևաթղթեր, ինչպես նաև խորհրդանիշ:

6. Կազմակերպությունն ունի ինքնուրույն հաշվեկշիռ, հաշվարկային հաշիվ բանկերում՝ Հայաստանի Հանրապետության արժույթով և արտարժույթով:

7. Կազմակերպությունը իր պարտավորությունների համար պատասխանատու է իրեն պատկանող գույքով:

Հիմնադիրը պատասխանատվություն չի կրում կազմակերպության պարտավորությունների, իսկ կազմակերպությունը՝ հիմնադրի պարտավորությունների համար:

Հիմնադիրը պատասխանատվություն է կրում մինչև կազմակերպության պետական գրանցումը ծագած՝ կազմակերպության ստեղծման հետ կապված պարտավորությունների համար:

8. Կազմակերպության անվանումն է՝

-հայերեն լրիվ՝ «Յայաստանի էստրադային ջազ - նվագախումբ» պետական ոչ առևտրային կազմակերպություն.

կրճատ՝ ՀԷՋՆ ՊՈԱԿ

-ռուսերեն լրիվ՝ „Государственный Эстрадный Джаз оркестр Армении,,
государственная некоммерческая организация

կրճատ՝ ЭДОА ГНО

-անգլերեն լրիվ՝ „Armenian Jazz Orchestra,, Non-commercial State Organization,

կրճատ՝ AJO NCSO

9. Կազմակերպության գտնվելու վայրն է՝ քաղ. Երևան, Խանջյան 13ա:

II. Կազմակերպության գործունեության առարկան և նպատակը

10. Կազմակերպության գործունեության առարկան և նպատակներն են՝

ա) Երաժշտարվեստի բնագավառում հասարակության հոգևոր պահանջների ձևավորումն ու բավարարումը.

բ) ազգային երաժշտական-կատարողական արվեստի ավանդույթների պահպանումն ու զարգացումը.

գ) դասական և ժամանակակից լավագույն երաժշտական ստեղծագործությունների կատարումը:

11. Կազմակերպությունն իր գործունեության նպատակներին համապատասխան՝

ա) կազմակերպում է համերգներ.

բ) ինքնուրույն է ձևավորում իր երաժշտախումբը և մենակատարներին.

գ) անկախ է իր գործունեության գեղարվեստական ստեղծագործական ուղղությունների, երգացանկի ընտրության մեջ. ինքնուրույն է ընդունում որոշումներ՝ համերգի հրապարակային կատարման և գովազդային նյութերի հրապարակման վերաբերյալ.

դ) պայմանագրային հիմունքներով օգտագործում է մտավոր սեփականության օբյեկտներ.

ե) ձևավորում է իր գործունեության զարգացման ծրագիրը, որոշում տոմսերի, այլ ծառայությունների իրացման կարգն ու գները, եթե Հայաստանի Հանրապետության օրենսդրությամբ այլ բան սահմանված չէ.

զ) որոշում է իր ստեղծած համերգային ծրագրի օգտագործման ընտրության եղանակը, այդ համերգի հեռուստառադիոհաղորդման, նյութական կրիչներով նկարահանման, ձայնագրման, բազմացման, տարածման, իրացման և կրկնօրինակման թույլտվության իրավունքի փոխանցումը այլ կազմակերպություններին, իրավաբանական և ֆիզիկական անձանց՝ մտավոր սեփականության օբյեկտների հեղինակների և այլ անձանց իրավունքների պահպանման պայմանով.

է) ինքնուրույն է ծրագրում իր հիմնական գործունեությունը, որոշում գործունեության զարգացման հեռանկարային ծրագրերը՝ կնքված պայմանագրերին, իրականացվող աշխատանքների ու մատուցվող ծառայությունների պահանջարկին համապատասխան.

ը) պայմանագրային հիմունքներով ներգրավում է այլ իրավաբանական և ֆիզիկական անձանց.

թ) անցկացնում է ստեղծագործական ստուգատեսներ, փառատոններ և մրցույթներ.

ժ) կազմակերպում է ստեղծագործական խմբերի և անհատ կատարողների հյուրախաղեր.

ժա) օգտագործում է իր ձևաթղթերը, անվանումն ու խորհրդանիշը՝ գովազդի նպատակով, ինչպես նաև թույլատրում է դրանց օգտագործումը այլ իրավաբանական և ֆիզիկական անձանց կողմից՝ պայմանագրային հիմունքներով.

ժբ) ապահովում է կազմակերպությանն ամրացված շենքերի ու շինությունների պահպանությանն ու օգտագործմանն անհրաժեշտ պայմանակարգը (ռեժիմը), իրականացնում հակահրդեհային անվտանգության միջոցառումներ.

ժգ) անցկացնում է երաժիշտ-կատարողների (մեներգիչների) բաց հրապարակային մրցույթներ՝ նվագախմբի վերակազմավորման կամ համալրման նպատակով.

12. Կազմակերպությունն իրականացնում է ձեռնարկատիրական գործունեության հետևյալ տեսակները՝

ա) այլ կազմակերպությունների պատվերով երաժշտական ստեղծագործությունների կլավիրների, պարտիտուրների ստեղծում և հրատարակում.

բ) հրատարակչական գործունեություն (թատերահանդեսային ազդագրերի, ծրագրերի, բուկլետների պատրաստում).

Լիցենզավորման ենթակա գործունեության տեսակներով կազմակերպությունը կարող է զբաղվել միայն լիցենզիայի հիման վրա:

13. Կազմակերպության գործունեության ընթացքում առաջացած շահույթն օգտագործվում է սույն կանոնադրությամբ նախատեսված նպատակների իրականացման համար: Կազմակերպության շահույթի օգտագործման կարգը սահմանվում է հիմնադիրը:

14. Պետական բյուջեով կազմակերպության համար ուղղակի նախատեսված միջոցների սահմաններում կազմակերպության կողմից պետությանը մատուցվող ծառայությունների, աշխատանքների և ապրանքների գնումն իրականացվում է մեկ աղբյուրից գնումների կատարման ձևով: Կազմակերպության կողմից պետությանը այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գնումների մասին» ՀՀ օրենքով նախատեսված կարգով:

Կազմակերպությունը հարկերը, տուրքերը և պարտադիր այլ վճարները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

III. Կազմակերպության սեփականությունը

15. Կազմակերպության սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև կազմակերպության գործունեության ընթացքում արտադրված ու ձեռք բերված գույքից:

Կազմակերպության գույքի ձևավորման աղբյուր կարող են հանդիսանալ նաև Հայաստանի Հանրապետության և օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում՝ բարեգործական, հովանավորչական, նպատակային մվիրատվություններն ու հատկացումները:

16. Կազմակերպությունն իրավունք ունի օրենքին, հիմնադրի որոշումներին և /կամ/ սույն կանոնադրությանը համապատասխան իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:

17. Կազմակերպության սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ կազմակերպության լուծարումից հետո մնացած գույքի:

18. Կազմակերպության սեփականության պահպանման հոգսը կրում է կազմակերպությունը:

19. Կազմակերպության սեփականության վրա կարող է բռնագանձում տարածվել միայն դատական կարգով:

20. Կազմակերպության ֆինանսական հաշվետվությունների արժանահավատությունը ենթակա է վերստուգման (աուդիտի)՝ լիազորված պետական մարմնի կողմից ընտրված անկախ աուդիտորական կազմակերպության կամ Հայաստանի Հանրապետության ֆինանսների և էկոնոմիկայի նախարարության ֆինանսական վերահսկողության ստորաբաժանման կողմից:

IV. Կազմակերպությանն ամրացված գույքը

21. Հիմնադրի որոշմամբ կազմակերպությանը անժամկետ ու անհատույց օգտագործման իրավունքով ամրացվում է ցանկացած գույք:

22. Հիմնադիրն իրավունք ունի հետ վերցնել իր կողմից կազմակերպությանը ամրացված գույքը:

23. Կազմակերպությանը իրավունք չունի ամրացված գույքը կամ դրա նկատմամբ իր իրավունքները օտարել, գրավ դնել, հանձնել անհատույց օգտագործման:

24. Կազմակերպությունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի օգտագործման արդյունքում կազմակերպության ստացած եկամուտները կազմակերպության սեփականությունն են:

Պետական կազմակերպությանն ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:

25. Հիմնադրի կողմից կազմակերպությանն ամրացված անշարժ գույքի կամ պետական պարտադիր գրանցման ենթակա գույքի նկատմամբ կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:

V. Կազմակերպության կառավարումը

26. Կազմակերպության կառավարումն իրականացնում է հիմնադիրը, նրա լիազորած պետական մարմինը և գործադիր մարմինը՝ տնօրենը և գեղարվեստական ղեկավարը:

27. Կազմակերպության ընդհանուր կառավարումն իրականացնում է հիմնադրի կողմից լիազորած պետական մարմինը:

28. Լիազորված պետական մարմինը՝

ա) ապահովում է կազմակերպության բնականոն գործունեությունը և պատասխանատվություն է կրում դրա չկատարման կամ ոչ պատշաճ իրականացման համար:

բ) սույն կանոնադրությամբ սահմանված կարգով պաշտոնի է նշանակում և պաշտոնից ազատում է կազմակերպության տնօրենին և գեղարվեստական ղեկավարին.

գ) Կազմակերպության տնօրենի և գեղարվեստական ղեկավարի հետ կնքում է պայմանագրերը: Պայմանագրերով սահմանվում են կազմակերպության տնօրենի և գեղարվեստական ղեկավարի իրավունքները, պարտականությունները, պատասխանատվությունը և փոխհարաբերությունները լիազորված պետական մարմնի հետ. նրանց աշխատանքի վարձատրման պայմանները, պայմանագրերի դադարման «Պետական ոչ առևտրային կազմակերպության մասին» Հայաստանի Հանրապետության օրենքով և ՀՀ աշխատանքային օրենսգրքով նախատեսված բոլոր հիմքերը և այլ դրույթները, որոնք պայմանավորվող կողմերը անհրաժեշտ կգտնեն: Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին, բացառությամբ օրենքով նախատեսված դեպքերի.

դ) հաստատում է կազմակերպության տարեկան ծախսերի նախահաշիվը.

ե) իրականացնում է կազմակերպության գործունեության վերահսկողությունը.

զ) կասեցնում կամ ուժը կորցրած է ճանաչում կազմակերպության տնօրենի Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները.

է) լսում է կազմակերպության գործունեության մասին հաշվետվություններ, քննում է դրա գործունեության վերստուգման արդյունքները.

ը) հաստատում է կազմակերպությանը սեփականության իրավունքով հանձնվող և /կամ/ ամրացվող պետությանը պատկանող գույքի կազմը.

թ) վերահսկողություն է իրականացնում կազմակերպությանն ամրացված պետական սեփականության օգտագործման և պահպանության նկատմամբ.

ժ) վերահսկողություն է իրականացնում կազմակերպության սեփականության պահպանման նկատմամբ, իսկ օրենքով, հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս կազմակերպության գույքի օտարման կամ վարձակալության հանձնման համար.

ժա) հաստատում է կազմակերպության տարեկան հաշվետվություններն ու տարեկան հաշվեկշիռը.

ժբ) իրականացնում է «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

29. Կազմակերպության ընթացիկ գործունեության ղեկավարումն իրականացնում են տնօրենը և գեղարվեստական ղեկավարը, որոնց նշանակում և ազատում է հիմնադրի կողմից լիազորած պետական մարմնի ղեկավարը:

30. Կազմակերպության տնօրենին պաշտոնի նշանակելն ու պաշտոնից ազատելը կարգավորվում են «Պետական ոչ առևտրային կազմակերպությունների մասին» Հայաստանի Հանրապետության օրենքով:

31. Կազմակերպության տնօրենը օրենքով, հիմնադրի և լիազորված պետական մարմնի որոշումներով, սույն կանոնադրությամբ իրեն վերապահված լիազորությունների սահմաններում ղեկավարում է կազմակերպության գործունեությունը և կրում է պատասխանատվություն օրենքների, իրավական այլ ակտերի, հիմնադրի կամ նրա կողմից լիազորված պետական մարմնի որոշումների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

32. Կազմակերպության տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

33. Կազմակերպության տնօրենը լրիվ գույքային պատասխանատվություն է կրում իր մեղքով կազմակերպությանը և (կամ) պետությանը պատճառած վնասի համար: Նրա լիազորությունների դադարեցումը հիմք չէ պատճառած վնասը հատուցելու պարտականությունները չկատարելու համար:

34. Կազմակերպության տնօրենը՝

ա) առանց լիազորագրի հանդես է գալիս կազմակերպության անունից, ներկայացնում է նրա շահերը և կնքում է գործարքներ.

բ) Հայաստանի Հանրապետության օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է կազմակերպության գույքը, այդ թվում՝ ֆինանսական միջոցները.

գ) տալիս է կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր.

դ) աշխատանքի է նշանակում և աշխատանքից ազատում կազմակերպության աշխատողներին, նրանց նկատմամբ կիրառում է խրախուսման միջոցներ և նշանակում կարգապահական տույժեր.

ե) բանկերում բացում է հաշվարկային հաշիվներ.

զ) կատարում է պարտականությունների բաշխում իր տեղակալ(ներ)ի միջև..

է) սահմանում է կազմակերպության կառուցվածքն ու կառուցվածքային ստորաբաժանումների իրավասությունը.

ը) սահմանված կարգով լիազորված պետական մարմնին է ներկայացնում կազմակերպության տարեկան ծախսերի նախահաշիվը.

թ) հաստատում է ձեռնարկատիրական գործունեության եկամուտների և ծախսերի նախահաշիվը.

ժ) օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը.

ժա) կազմակերպում է կազմակերպությանը անհատույց օգտագործման իրավունքով ամրացված շենքերի նախագծային, շինարարական, վերանորոգման և այլ աշխատանքներ.

ժբ) փոփոխում է շինությունների կիրառական նշանակությունը, եթե դրանք չեն խոչընդոտում կազմակերպության գեղարվեստական ստեղծագործական գործունեությանը.

ժգ) որոշում է կայացնում կազմակերպության տրանսպորտային միջոցների օգտագործման վերաբերյալ.

ժդ) ստորագրում է ֆինանսական փաստաթղթերը.

ժե) իրականացնում է ֆինանսական և արտադրական գործունեությանը վերաբերող այլ խնդիրներ.

ժզ) հաստատում է կազմակերպության հաստիքացուցակը և ֆինանսական-արտադրական գործունեության ծրագիրը՝ գեղարվեստական ղեկավարի համաձայնությամբ.

ժէ) որոշում է կազմակերպությանը սեփականության իրավունքով պատկանող գույքը իրավաբանական կամ ֆիզիկական անձանց վարձակալության հանձնելու հարցերը՝ գեղարվեստական ղեկավարի համաձայնությամբ.

ժը) որոշում է ընդունում կազմակերպության ֆինանսական միջոցների օգտագործման վերաբերյալ՝ գեղարվեստական ղեկավարի համաձայնությամբ.

ժթ) լիազորված պետական մարմնի հաստատմանն է ներկայացնում կազմակերպության կառուցվածքը, աշխատողների թիվը. հաստատում է կազմակերպության ընդհանուր և առանձին կառուցվածքային ստորաբաժանումների կանոնակարգերը, ներքին կարգապահական և այլ կանոնները.

ի) իրականացնում է Հայաստանի Հանրապետության օրենսդրությանը չհակասող այլ լիազորություններ:

35. Կազմակերպության տնօրենը պարտավոր է չկատարել հիմնադրի և լիազորված պետական մարմնի՝ Հայաստանի Հանրապետության օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

36. Կազմակերպության տնօրենի բացակայության դեպքում նրան նշանակած մարմնի գրավոր որոշման համաձայն՝ այդ լիազորություններն իրականացնում է այլ անձ:

37. Կազմակերպության աշխատողների իրավունքներն ու պարտականությունները սահմանվում են Հայաստանի Հանրապետության

օրենսդրությամբ, սույն կանոնադրությամբ, աշխատանքային պայմանագրով, կազմակերպության առանձին ստորաբաժանումների ու աշխատանքային ներքին կանոնակարգերով և այլ իրավական ակտերով:

38. Գեղարվեստական ղեկավարը՝

ա) մեկնաբանում և ղեկավարում է երաժշտական ստեղծագործության նվագախմբային կատարումը.

բ) ընտրում և կազմում է համերգային ծրագրերը.

գ) նշանակում է մենակատարներ նվագախմբային մենանվագների կատարման համար.

դ) հաստատում է նվագախմբի երգացանկը՝ տնօրենի համաձայնությամբ.

ե) իրականացնում է գեղարվեստական ստեղծագործական գործունեությանը վերաբերող այլ խնդիրներ:

39. Կազմակերպության գեղարվեստական ղեկավարը և տնօրենը համատեղ իրականացնում են հետևյալ իրավասությունները՝

ա) համերգային ծրագրի հաստատումը.

բ) կազմակերպության հյուրախաղային երկացանկի, հյուրախաղերի ժանկետների, վայրերի և մասնակիցների կազմի որոշումը.

գ) այլ կազմակերպությունների հյուրախաղային կամ արտագնա համերգների և այլ միջոցառումների բեմահարթակի տրամադրման նպատակահարմարության որոշումը.

դ) կազմակերպության ստեղծագործական անձնակազմի և ստորաբաժանումների ղեկավարների հետ աշխատանքային պայմանագրերի ստորագրումը և լուծումը, որոնք ձևակերպվում են կազմակերպության տնօրենի հրամաններով.

ե) կազմակերպության անձնակազմի գեղարվեստական և ստեղծագործական գործունեությունը կարգավորող փաստաթղթերի և անձնակազմի անդամների աշխատավարձերի հաստատումը:

40. Կազմակերպությանը, ստեղծագործական ներուժի վերարտադրման նպատակով, կարող է ստեղծել ստուդիա:

Ստուդիայի կանոնադրությունը և գործունեության ծրագիրը, գեղարվեստական ղեկավարի և տնօրենի ներկայությամբ, համաձայնեցնեցվում է լիազորված պետական մարմնի հետ և հաստատվում տնօրենի հրամանով:

41. Կազմակերպության գործունեության հիմնական հարցերի քննարկման, ստեղծագործական և կազմակերպական աշխատանքների արդյունավետ իրականացման նպատակով՝ տնօրենին առընթեր ստեղծվում է խորհրդակցական մարմին՝ գեղարվեստական խորհուրդ:

Գեղարվեստական խորհուրդն իր գործառույթներն իրականացնում է տնօրենի կողմից հաստատված կանոնակարգի հիման վրա:

Գեղարվեստական խորհրդի կազմի մեջ ի պաշտոնե մտնում են՝ կազմակերպության գեղարվեստական ղեկավարը, տնօրենը, ստեղծագործական անձնակազմի, ինչպես նաև արվեստի, երաժշտագիտության, գրականության, հասարակական և այլ կազմակերպությունների ներկայացուցիչներ:

Գեղարվեստական խորհրդի կազմը, լիազորված պետական մարմնի հետ համաձայնեցնելով, հաստատում է կազմակերպության տնօրենը:

Գեղարվեստական խորհուրդն իր իրավասությունների սահմաններում քննարկում է կազմակերպության գործունեությանն առնչվող հարցեր, կազմակերպության գործունեության տարեկան և ընթացիկ ծրագրերն ու դրանց կատարման հաշվետվությունները:

VI. Կազմակերպության վերակազմակերպումը և լուծարումը

42. Կազմակերպությունը կարող է վերակազմակերպվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով: Կազմակերպությունը կարող է վերակազմակերպվել հարյուր տոկոս պետական մասնակցությամբ ընկերության կամ հիմնադրամի:

43. Կազմակերպությունը դատական կարգով կարող է վերակազմակերպվել օրենքով սահմանված դեպքերում և կարգով:

44. Կազմակերպության լուծարմամբ նրա գործունեությունը դադարում է առանց իրավունքները և պարտականությունները իրավահաջորդության կարգով այլ անձանց անցնելու:

45. Կազմակերպությունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

Կազմակերպությունը կարող է լուծարվել նաև սնանկության հետևանքով:

46. Կազմակերպությունը դատական կարգով կարող է լուծարվել միայն օրենքով սահմանված դեպքերում և կարգով:

47. Կազմակերպության լուծարման դեպքում կազմակերպության պարտատերերի պահանջները բավարարելուց հետո մնացած գույքն ուղղվում է պետական բյուջե: